

contingit, ut quidam eam subigat, quia & illa ipsa ad eum inclinatur: quia etiam multe fœmine hoc vita genus sequentes jam ante eam scorta fuerunt. Comment, ad h. l. fol. 7. d. Consentit David de Pomis in Zemach. David fol. 176. d. Posteaquam dixisset quod פינורק significaret, hospitium, diverforium, tandem addit: ויש מי שפירש: לשון זנות כמו ויבאו בית אשה זונה: Sunt, qui explicant illam vocem de scortatione, uti dicitur, & venerunt in domum mulieris meretricis, Jos. II, 1. Nec dissentit Auctor Aruch Hakkizzur fol. 54. b.

## §. VI.

Nec obstat, quod Rachaba Salmoni, Davidis abavo, nupserit, quod, uti existimant, non factum, si impudicitiae labe commaculata fuisset. Possemus hic cum Masio Comment. in h. l. rem totam in dubium vocare, quia sententia ea sola nominis similitudine, conjectura non satis bona, nititur. Sed hoc nobis non placet, quia in Christi Genealogia ea tantum mulierum nomina adducuntur, quæ peccatrices fuerunt, & quæ impudicitiae labe commaculatæ. vid. Hieron. ad Matth. I. Prima est Thamar, cujus impudicitia Gen. XXXVIII, 29. describitur, secunda est Bathseba, adulterii labe maculata, quibus haud immerito nostra Rachab adjungitur, eadem macula contaminata. Quarta denique est Rutha ex Gentili Judæa facta. Nulla reliquarum matrum mentio facta est: Quæ nobis persuadent, ut eandem Rachabam, quæ exploratores excepit, habeamus pro illa, quæ Salmoni nupsit. Missa itaque hac, quæ Masio placuit, responsione, aliam & verisimiliorem dabimus. Si Rachab a Salmone Judæ principe in matrimonium ducta est, necesse est, ut eo tempore, quo exploratores excepit, tenera fuerit, & fortasse vix decimum & quintum annum excefferit. Boas enim ex Salmone & Rachaba natus, Ruth. IV, 21. Math. I, 5. cum Davidis proavus fuerit, vix nasci potuit, nisi quadraginta vel circiter post hæc annis, uti recte collegisse videtur Jacob. Capellus Observat. in h. l. p. 644. Tantum enim abest, ut Talmudistis fidem habeamus, qui in Jalkut Simeon. P. II. fol. 3. col. a. sequentia de ea referunt: אמרי בת עשר שנים היתה כשיצאו ישראל ממצרים